



JAVNI POZIV

ZA UČEŠĆE U OBILJEŽAVANJU 22. MAJA – DANA PRIJEMA BOSNE I HERCEGOVINE U UJEDINJENE NACIJE

Javna ustanova "Memorijalni centar Sarajevo" upućuje poziv svim polaznicima predškolskih ustanova/vrtića, učenicima osnovnih i srednjih škola sa područja Bosne i Hercegovine da se uključe u obilježavanje 22. maja, Dana prijema Bosne i Hercegovine u Ujedinjene nacije.

Ovaj značajan datum u historiji naše zemlje predstavlja ključnu prekretnicu u njenom međunarodnom priznanju i angažmanu na globalnoj sceni, te je stoga izuzetno važan za svakog građanina, a posebno za mlade generacije.

Kroz kreativne likovne i literarne radove, kao i kratke video klipove, mlade generacije će imati priliku da na originalan način izraze svoja osjećanja i stavove prema ovom historijskom trenutku, značaju članstva Bosne i Hercegovine u Ujedinjenim nacijama, te njenoj ulozi u međunarodnoj zajednici. Tema ovog javnog poziva omogućava učesnicima da kroz različite umjetničke forme istraže, analiziraju i reflektiraju o svojoj domovini, njenoj prošlosti, sadašnjosti i budućnosti, uz naglašavanje patriotizma, zajedništva i važnosti međunarodnog priznanja.

Ovaj javni poziv pruža mladim autorima priliku da doprinesu kulturnom i historijskom naslijeđu kroz ličnu interpretaciju i kreativno izražavanje, te tako ostave trag u obilježavanju jednog od najvažnijih datuma u novijoj historiji Bosne i Hercegovine.

I PRAVO UČEŠĆA

Učesnici su raspoređeni u kategorijama prema uzrastu i vrsti rada:

- Polaznici predškolskih ustanova/vrtića – Likovni rad;
- Učenici osnovnih škola (I – IV razreda) – Likovni rad;
- Učenici osnovnih škola (V – VII razreda) – Literarni rad;
- Učenici osnovnih škola (VIII – IX razreda) – Literarni radi/ili kratki video klip;
- Učenici srednjih škola (I – IV razreda) – Literarni rad i/ili kratki video klip.

Napomena: svaki polaznik predškolske ustanove/vrtića, te učenik osnovne i srednje škole ima pravo prijaviti po jedan rad iz jedne od navedenih kategorija!

II PROPOZICIJE ZA RADOVE

A) Likovni rad

Tema: *"Zastava Bosne i Hercegovine – zastava moje države"*

Propozicije za likovne radove:



1. Radovi moraju biti originalni i autorski. Kopiranje ili precrtavanje radova nije dozvoljeno.
2. Likovni radovi trebaju biti izrađeni na bloku za likovnu kulturu ili na čvrstom papiru formata A4.
3. Tehnika izrade rada je po izboru polaznika predškolske ustanove/vrtića i učenika osnovne škole (npr. akvarel, tempera, flomasteri, olovka, pastel, kolaž papir itd.).
4. Učestvovati se može samo sa jednim radom po polazniku predškolske ustanove i učenika osnovne škole.
5. Rad treba biti potpisan na poledini (ime i prezime polaznika predškolske ustanove i učenika osnovne škole koji je autor likovnog rada, naziv predškolske ustanove/osnovne škole, ime i prezime odgajatelja/nastavnika).

B) Literarni rad

Za učenike osnovnih škola :

Zadane teme:

1. *"Šta meni znači zastava Bosne i Hercegovine?"*
2. *"Zastava moje domovine – ljubav, prkos i ponos"*
3. *"Moja domovina pod zastavom ljiljana"*

Za učenike srednjih škola:

Zadane teme:

1. *"Boje hrabrosti i dostojanstva"*
2. *"Zastava i identitet – više od simbola"*
3. *"Historijski značaj 22. maja 1992. godine"*

Propozicije za literarne radove:

1. Radovi moraju biti originalni i autorski i ne smiju biti ranije objavljivani, ili dostavljani na druga takmičenja, te napisani u duhu patriotskih vrijednosti.
2. Rad može biti u formi proznog teksta, eseja ili poezije.
3. Maksimalna dužina rada: ne duži od 1 (jedne)stranice za učenike osnovnih škola, i ne duži od 2 (dvije) stranice za učenike srednjih škola.
4. Format: font Times New Roman, veličina 12, prored 1.15, margina 2,5 cm.
5. Svaki učenik može učestvovati s jednim radom.
6. Rad treba sadržavati: ime i prezime učenika, razred, odjeljenje, naziv škole, te ime i prezime i kontakt nastavnika/profesora koji ga prijavljuje.



C) Kratki video klip

Zadane teme:

1. *"Ljepote Bosne i Hercegovine – kroz objektiv mladih"*
2. *"Bosna i Hercegovina – jučer, danas, sutra"*
3. *"Bosna i Hercegovina – Zemlja hiljadu priča"*

Propozicije za video klipove:

1. Zadane teme omogućavaju da se kroz kratke video klipove prikaže Bosna i Hercegovina iz različitih uglova – kroz njenu prirodu, ljude, kulturu, historiju i međunarodni položaj.
2. Može sadržavati autorske fotografije, video snimke, animacije, crteže, karikature i druge kreativne elemente.
3. Maksimalno trajanje videa: do 3 /tri/ minute.
4. Minimalna rezolucija videa: HD (1280x720 piksela).
5. Video se dostavlja u formatu MP4, MOV ili AVI.
6. Svaki učenik može dostaviti samo jedan videoklip.
7. Na kraju videoklipa učenici su obavezni napisati: ime i prezime, razred, odjeljenje, naziv škole, te ime i prezime i kontakt nastavnika/profesora koji ga prijavljuje.

III KRITERIJI ZA RADOVE

Likovni radovi ocjenjuju se prema sljedećim kriterijima:

1. Originalnost i kreativnost;
2. Tematska usklađenost;
3. Tehnička izvedba;
4. Kompozicija i estetska vrijednost;
5. Opći dojam i umjetnički izražaj.

Literarni radovi ocjenjuju se prema sljedećim kriterijima:

1. Originalnost i kreativnost izraza;
2. Tematska usklađenost;
3. Jezik i stil;
4. Struktura i koherentnost;
5. Opći dojam;
6. Ispunjenost zadanih propozicija.



Video klipovi ocjenjuju se prema sljedećim kriterijima:

1. Originalnost i kreativnost;
2. Tehnička izvedba;
3. Tematska relevantnost;
4. Opći dojam i estetska vrijednost;
5. Emocionalni dojam i naracija;
6. Ispunjenost zadanih propozicija.

IV NAČIN DOSTAVLJANJA RADOVA

Svi radovi (likovni, literarni i video klipovi) trebaju biti dostavljeni u periodu **od 24. marta do 24. aprila 2025. godine.**

U ime polaznika predškolskih ustanova/vrtića i učenika osnovnih škola na području Bosne i Hercegovine, objedinjene likovne radove odabrani odgajatelji/nastavnici fizički dostavljaju ili šalju putem preporučene pošte na adresu:

Javna ustanova "Memorijalni centar Sarajevo"
Širokac broj 22
71000 Sarajevo
Bosna i Hercegovina
sa naznakom: "Prijava na Javni poziv za dostavljanje likovnih radova"
(naziv predškolske ustanove/vrtića)

U ime učenika osnovnih i srednjih škola na području Bosne i Hercegovine, objedinjene literarne radove odabrani nastavnici/profesori fizički dostavljaju ili šalju putem preporučene pošte na adresu:

Javna ustanova "Memorijalni centar Sarajevo"
Širokac broj 22
71000 Sarajevo
Bosna i Hercegovina
sa naznakom: "Prijava na Javni poziv za dostavljanje literarnih radova"
(naziv školske ustanove)

Objedinjene literarne radove, u jednom zajedničkom folderu, odabrani nastavnici/profesori mogu dostaviti i elektronskim putem na e-mail: manifestacije@mcsarajevo.ba

E-mail nasloviti sa:

"Prijava na Javni poziv za dostavljanje literarnih radova" (naziv školske ustanove).

(U Word dokumentu navesti podatke o svakom učeniku: ime i prezime, razred, odjeljenje, naziv škole, te ime i prezime i kontakt nastavnika/profesora mentora koji ga prijavljuje).



Objedinjene video klipove u zajedničkom folderu nastavnici/profesori mogu dostaviti putem preporučene pošte na USB stiku, hard disku ili elektronski putem Google Drive-a, WeTransfer-a ili drugog servisa na email: manifestacije@mcsarajevo.ba

Preporučenu poštu i e-mail nasloviti sa:

"Prijava na Javni poziv za dostavljanje video klipova" (naziv školske ustanove).

(U naslovu video klipa navesti podatke o svakom učeniku: ime i prezime, razred, odjeljenje, naziv škole, te ime i prezime i kontakt nastavnika/profesora mentora koji ga prijavljuje).

V PROCES VREDNOVANJA I NAGRAĐIVANJA

Zbog različitih vrsta kreativnih radova, formirat će se tri odvojene komisije, od kojih će svaka biti nadležna za ocjenjivanje radova unutar određenih kategorija. Komisije će biti imenovane u skladu s pravilima Javnog poziva, a njihov sastav će činiti radnici Javne ustanove "Memorijalni centar Sarajevo", sa odgovarajućim iskustvom i kvalifikacijama u oblastima relevantnim za svaki tip kreativnog rada. Svi radovi bit će ocijenjeni prema kriterijima definisanih ovim Javnim pozivom i Poslovníkom o radu Komisija.

Najbolji radovi u svakoj kategoriji bit će nagrađeni na sljedeći način:

- (1) Najbolji radovi u svakoj kategoriji bit će nagrađeni na sljedeći način:
 - a) Tri najbolja likovna rada polaznika predškolskih ustanova/vrtića bit će prigodno nagrađena.
 - b) Tri najbolja likovna rada učenika osnovnih škola od I-IV razreda bit će prigodno nagrađena.
- (2) Nagrade za učenike osnovnih škola od V-IX razreda (u kategoriji najbolji literarni radovi):
 - a) Prvo mjesto: 300,00 KM
 - b) Drugo mjesto: 200,00 KM
 - c) Treće mjesto: 100,00 KM
- (3) Nagrade za učenike srednjih škola od I-IV razreda (u kategoriji najbolji literarni radovi):
 - a) Prvo mjesto: 400,00 KM
 - b) Drugo mjesto: 300,00 KM
 - c) Treće mjesto: 100,00 KM
- (4) Nagrade za učenike osnovnih škola od VIII-IX razreda i srednjih škola od I-IV razreda (u kategoriji najbolji video klipovi):
 - a) Prvo mjesto: 600,00 KM
 - b) Drugo mjesto: 400,00 KM
 - c) Treće mjesto: 100,00 KM



Imena pobjednika bit će objavljena putem zvaničnih kanala komunikacija Javne ustanove "Memorijalni centar Sarajevo", uključujući web stranicu i društvene mreže.

VI ZAVRŠNE NAPOMENE

Autori svih prijavljenih radova, kao i njihovi odgajatelji, nastavnici i profesori, prijavom na Javni poziv potvrđuju da su dostavljeni radovi **originalni autorski sadržaji**. Također, prijavom potvrđuju da su upoznati s pravilima Javnog poziva i da njihovo učešće ne narušava prava trećih lica.

Javna ustanova "Memorijalni centar Sarajevo" zadržava pravo izmjene i dopune Poslovnika o radu Komisija, uz prethodnu obavijest učesnicima. Dostavljanjem radova u okviru ovog Javnog poziva, autori prenose sva autorska prava na Javnu ustanovu "Memorijalni centar Sarajevo", koja time postaje isključivi nosilac prava korištenja radovima. Javna ustanova "Memorijalni centar Sarajevo" zadržava pravo trajnog korištenja radova u promotivne, edukativne i druge svrhe (uključujući, ali ne ograničavajući se na izložbe, zbornike, digitalne i štampane publikacije te audiovizuelne prikaze), uz obavezu navođenja imena autora.

Dostavljanjem radova, učesnici daju izričitu i neopozivu saglasnost Javnoj ustanovi "Memorijalni centar Sarajevo" za javnu objavu dostavljenih radova, kao i za obradu i korištenje ličnih podataka autora u svrhu realizacije i promocije ovog Javnog poziva, u skladu s važećim propisima o zaštiti autorskih prava i zaštiti ličnih podataka. Pristigli radovi se ne vraćaju autorima.

Dodatne informacije se mogu dobiti putem e-maila: manifestacije@mcsarajevo.ba ili na telefone 033 252 225 i 033 252 342.

Pozivamo polaznike predškolskih ustanova/vrtića, te učenike osnovnih i srednjih škola na području Bosne i Hercegovine da se odazovu ovom važnom projektu i kroz umjetnost, pisanu riječ i video format iskažu ljubav prema svojoj domovini.